



Broj:01/1-50-1-4/07
Sarajevo, 14.03.2006.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLIENO: 21.3.2007-9			
Organizaciona jedinica	Klasifikaciona oznaka	Redni broj	Broj priloga
01-	50-2-	840/06	

PREDSJEDAVAJUĆEM
PREDSTAVNIČKOG DOMA
PARLAMENTARNE SKUPŠTINE BiH

Biševo
izpravno zahtjeva

Na osnovu člana 137. stav 1. i 4. Poslovnika Predstavničkog doma Parlamentarne skupštine BiH ("Službeni glasnik BiH" broj 33/06, 41/06, 81/06 i 91/06) Ustavno-pravna komisija Predstavničkog doma Parlamentarne skupštine BiH podnosi sljedeći:

IZVJEŠTAJ

o jasnoći norme člana 3. stav 1. tačka b) Zakona o finansiranju političkih stranaka ("Službeni glasnik BiH", broj 22/00)

Ustavno-pravna komisija Predstavničkog doma Parlamentarne skupštine BiH na 4. sjednici održanoj dana 14.03.2007. godine je po zahtjevu SDP BiH, razmatrala u postupku autentičnog tumačenja odredbu člana 3 stav 1. tačka b) Zakona o finansiranju političkih stranaka ("Službeni glasnik BiH", broj 22/00) koja glasi:

"Član 3.

Izvori finansiranja

1. *Politička stranka može osigurati prihode iz:*

- članarine,*
- priloga pravnih i fizičkih lica,*
- ...*

U svom zahtjevu SDP BiH navodi da traže autentično tumačenje navedenog člana navodeći da je Centralna izborna komisija BiH pogrešno tumačeći navedeni član u Pravilniku o godišnjim finansijskim izvještajima političkih stranaka ("Službeni glasnik BiH", broj 61/06) predvidjela da se pod "fizičkim i pravnim licima podrazumijevaju domaća i strana fizička i pravna lica". Dalje navode kako bi zakonodavac, da je imao namjeru podrazumijevati i strana fizička i pravna lica, to izravno i predvidio, jer po njima karakter priloga, a posebno priloga političkih stranaka iz inostranstva, nije istovjetan.

Ustavno-pravna komisija je, u skladu sa članom 137. stav 4. Poslovnika utvrdila sljedeće:

1. Zahtjev je podnio SDP BiH.
2. Zahtjev je podnešen od ovlaštenog subjekta.
3. Prema standardima i metodologiji tumačenja pravne norme (jezičko, logičko, historijsko, ciljno, sistematsko i td.) Ustavno-pravna komisija je ocijenila da je odredba člana 3 stav 1. b) Zakona o finansiranju političkih stranaka ("Službeni glasnik BiH", broj 22/00) jasna i da se ne može različito razumijevati i stvarati dileme u primjeni. Naime, zakonodavac u članu 3. definiše sve izvore finansiranja te priloge definiše.

široko, kao priloge fizičkih i pravnih lica, pri čemu je irelevantno da li se radi o priloziima domaćih stranih fizičkih ili pravnih lica. Za bilo kakvo drugačije razumijevanje nema realnog osnova. Za kreiranje užeg razumijevanja očito sveobuhvatnog termina nema uporišta ni u članu 3. niti u ostalom tekstu zakona. Cijeneći navedeno čini se potpuno ispravnim stav Centralne izborne komisije koja pod priloziima Pravilniku o godišnjim finansijskim izvještajima političkih stranaka ("Službeni glasnik BiH", broj 61/00) podrazumijeva priloge domaćih i stranih fizičkih i pravnih lica.

Prema mišljenju Ustavno-pravne komisije, obzirom da je norma jasna, nije potrebno provoditi proceduru autentičnog tumačenja člana 3. stav 1. tačka b) Zakona o finansiranju političkih stranaka ("Službeni glasnik BiH", broj 22/00).

